

雲陽輿詠

光緒辛丑仲冬

雲陽輿詠

鹿山居士校梓

序丙申仲夏我

賢侯心泉舒公捧檄來召正值水災甫過嗷鴻徧野
卽急爲稟請開倉發賑以蘇民困迨稍獲安集遂首
以培士課農安良除暴諸大端爲急務繼而百廢俱
舉凡有裨於民社者莫不區處得宜至聽訟則如懸
秦鏡治盜則若鋤莠草愛民猶子疾惡似讎公正廉
明惠慈勤愼數年來四境安堵我

賢侯之意美法良實難備數而蚩氓無知殆猶夫古

之耕田而食鑿井而飲者幾忘帝力於何有矣惜於
辛丑仲春我

賢侯因公調省遂以解組其在

賢侯坦蕩自若原未嘗以得失縈懷但一朝賦驪駒
而四野失保障回憶向之食德飲和者皆莫非我

賢侯之所賜也用是父老攀轅臥轍紳耆舉酒頌詩
工商爲之咨嗟婦孺亦輒泣涕設筵祖餞道路阻塞
紛紛然贈以衣繖勒以碑碑餽以饌儀獻以菓食我

賢侯臨歧灑淚辭之卻之撫之勞之實有繼綬不忍
遽去之意焉因各答詩以慰之爾時捧讀

賢侯之詩雍容懇摯蘊藉謙冲且諄諄各致勸規無
微不至斯真無愧民之父母歟去後復涵泳玩味均
愛莫能釋以爲是卽甘棠之留貽南國也爰爲商諸
同人付之剞劂以垂久遠並將各同人恭頌詩歌附
刻驥尾弁之曰雲陽輿詠用誌不忘我
賢侯之盛德美政云爾是爲序

光緒二十七年歲次辛丑仲秋之吉至講南召鹿鳴
書院鏡湖劉心田率肄業諸生等識於講堂之西牖

恭錄

心翁父師答南召諸紳士贈詩賦者七律一章

勞君過頌賦兼詩捧誦篇篇絕妙詞愧不克當徒自汗
聊將遣此誌相思有緣他日重來聚無事今朝悵別離
切囑諸君須保重前程莫忘○鳳凰池

錄答送匾繖衣牌立碑者七律一章

匾繖衣牌更立碑何功何德愧無爲判詞聽訟奚堪羨
除暴安良素所期食俸本應勤乃政牧民那敢漫相嬉

惟將國事如家事爾等何須當作奇

錄答紳民攀轅餞送者七律一章

紳民何事苦攀轅予去依然衙尙存自愧五年德政少
過叨萬戶頌聲喧黃鶯任久情猶洽鸚鵡前頭舌欲捫
惟勸諸人敦孝友自能世世總無冤

錄留別紳耆自遣七律一章

去留原未介於懷宦海飄蓬莫謂乖地步但須尋坦蕩
天機早已有安排塞翁失馬焉非福山吏飛鳧遠厲階

強項自知難作令不如歸去著芒鞋

錄又賦留別南召眾紳民七律四章

四民之內士居先敦品敦行希聖賢孝弟力田欽往古
詩書執禮雅當前欲求榮顯憑心地莫作非爲失性天
富貴不淫貧而樂人生若此卽神仙

感恩思報是天良此外還須妙主張訟則終凶當警戒
德能載福自光昌齊家上策和爲貴處世良謀讓最強
不是戴天讐莫解終身体去跪公堂

自古官廉吏罕廉入衙容易出衙難些微小忿須當忍
總要三思且放寬訟結雖連恒目怒身亡家破更心酸
彼時後悔終何及能慮於斯膽自寒

餞設東郊出雉城諸君愛我太多情愧無報李詩當玃
慚對離筵酒滿觥醉裏恍如蝴蝶夢途邊怕聽鷓鴣聲
回頭揖別言休送山影依稀指鹿鳴

又錄柬答山長劉鏡湖寄詩七律四章

羨君風骨愛君詩龍馬精神海鶴姿筆下縱橫羅錦繡

胸中涵泳富威儀滿城桃李甄陶切一代文章際會奇
皓首研經稱不老明年對策到○丹墀

天機活潑美胸襟守靜偏甘澹泊心五載相親叨莫逆
一朝離處念知音烹鮮政拙慚無忝製錦才長妙可欽
何日與君重把袂西窗翦燭聽規箴

委蛇恐貽雉城羞慚愧君詩一卷留甘倚門邊爲抗髀
恥居堂上學伊優讀來佳句端推杜憶到高情依得劉
遙爲祝君長矍鑠吟壇杖履擅風流

別來夏去又秋過迅速光陰似箭梭東望家鄉歸不得
西瞻雲日歎如何伊人秋水情懷遠白露蒼葭感慨多
自慙無才承藻飾披吟韻語愧難和

恭餞

心翁父台大人調省榮行

主講鹿鳴書院癸酉科
舉人前任鄭縣教諭

劉心田

浩然正氣靜羣魔百鍊金鋼現太阿折獄訟庭心似鏡
抗顏○上憲口懸河力除強暴揚威遠福庇蒼黎種德
多指日○○九重邀○○帝眷任他宦海起風波

頻年士庶荷培栽偏域喧呼壽域開山僻統歸鼉鼓化
雷封暫屈鳳雛才方期普濟羣生苦何礙隱招无妄災
迅覩○上臺隆倚畀須臾還我寇君來

幾番誥誡致諄諄倍覺臨歧意味親霧繞鹿峯增繾綣
風翻鵝水助酸辛道旁悵悵花含淚亭畔依依柳拂人
約計何時重把袂葭蒼露白鴈來賓

萬疊雲山四面橫○神君坐鎮水同清解紛不假聲兼
色判獄全資理與情正幸有緣停福曜誰知無術挽行
旌眼看夕照銜山口鞭影輕搖指鹿鳴

一區鵝水遶縱橫遙映行旌出雉城遮道紳耆爭獻頌
攀轅父老共輸誠羣黎德徧肌膚浹四野聲喧肺腑傾

莫道石尤風暫阻逃覘。帝眷荷。神京
條條別緒不勝刪。君去誰堪濟世艱。幾疊風酸花亂
墜。三盃酒熱淚頻潛。那容美玉蠻荆掩。總冀明珠合浦
還。痴想思留。賢令尹密雲深鎖萬重山。

恭頌

心翁父台大人德政

劉心田

神君出治蒞雲陽。履潔懷清飭紀綱。持正從容消雀鼠
安良專務剪豺狼。談詩曾識吟風慣。聽訟翻憐戴月忙。

萬戶千門留樾蔭應知到處樹甘棠

從來一笑比河清奸盜恐緣姑息生鐵面恍含霜氣肅
冰心常共玉壺瑩鑑空早致神君頌火烈終來衆母名
治蜀卧龍無異策秉公執法政皆平

鼓鑄洪鑪寓意深天公造化妙難尋從知刑賞皆忠厚
每藉勸懲示悃忱簡易長懷慈母念嚴明總抱惠人心
宏才頃寄屏藩任暫屈山城播傳霖

大厦宏開庇蔭寬陶鎔多士盡顏歡春風四座融槐市

化雨一堂沛杏壇數載鍼砭蒙澤廣滿門桃李識根盤
競看文教蒸蒸日上科第連綿起鳳鸞

鎖院局門珊網開班羅玉筍萃羣才未容燕石魚珠混
祇許雕龍繡虎來徧引驂騑歸藻鑑早儲杞梓備蘭臺
曾知心稱無軒輊掄秀拔尤仰妙裁

造士作人妙至張殷殷樂育異尋常裁成不憚金鍼度
長短全資玉尺量浪汲三千憑鯉化風搖九萬任鵬翔
毫無芥蒂胸中著總矢肫誠達彼蒼